

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Hebel-Album

Hebel, Johann Peter

Lahr, [1862]

[Text]

[urn:nbn:de:bsz:31-326802](https://nbn-resolving.org/urn:nbn:de:bsz:31-326802)



Das Herlein.

Und woni uffem Schnidstuhl sit
für Basseltang, und Liechtspöhn schneit,
se chunnt e Herli wohlgimueh,
und fragt no frei: „Haut's Messer guet?“

Und seit mer frei no Guete Tag!
und woni lueg, und woni sag:
„'s chönnt besser go, und GroÙe Dank!“
se wird mer's Herz uf eimol krank.

Und uf, und furt enanderno,
und woni lueg, isch's nümme do,
und woni rüef: „Du Herli he!“
se git's mer scho kei Antwort meh.

Und siber schmeckt mer 's Esse nit;
stell umme, was de hesch und witt,
und wenn en anderer schlofe cha,
se hörri alli Stunde schlah.

Und was i schaff, das g'rothet nit,
und alli Schritt und alli Tritt,
se chunnt mim Sinn das Herli für,
und was i schwätz, isch hinterfür.

's isch woher, es hat e Gsichtli gha,
's verluegt si en Engel dra,
und 's seit mit so 'me freie Mueth,
so lieb und süß: „Haut 's Messer guet?“